



Aningaasaqarnermut Akileraartarnermullu Naalakkersuisoq

Ulloq: 14. oktober 2024

J.nr.: 01.25.01/24EM-LABU-00118

Inatsisartut oqaluuserisassaannut UKA2024/118-imut allannguutissatut siunnersuuteqartoqassappat aningaasaqarnikkut kingunerisassai pillugit Aningaasaqarnermut Ataatsimiititaliap apeqqutai.

Oqaluuserisassani immikkoortoq siuliani taaneqartoq ima qulequtaqarpoq: Eqqumiitsuliortut eqqumiitsuliornikkut suliaqartillutik akissarsiaasa B-Indkomstitut tigusinnaalersillugit periarfissaqalernissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

Siunnersuut Aqqalu C Jerimiassenimit, Atassut, saqqummiunneqarpoq.

Aningaasaqarnermut Ataatsimiititaliap oqaaseqaatai apeqqutaalu:

Siunnersuut Inatsisartunit siullermeerneqarami ataatsimut isigalugu akuersaartumik pissuseqarfigineqarpoq. Ataatsimiititaliaq isumaqarpoq Aningaasaqarnermut Akileraartarnermullu Naalakkersuisoq akissuteqaatini Inatsisartut immikkoortumut tapersiinerannut takutitsilluartoq ima nammineq aallarneraa.

"Nunatsinni pikkorissorpasuarunik eqqumiitsuliortoqarpugut. Taakku inuiaqatigiitsinnik ilusilersueqataallutillu kulturikkut inuunermut assigiinngisitaartumut pisuumullu ilapittuisuupput. Eqqumiitsuliortortatta tapersersornissaat Naalakkersuisut soorunami kissaatigaat."

Akileraarutinut akiliutissatsinnik tamatta immikkut aqutsinissatsinnut aammalu tamatta nammineq naatsorsuusiornissatsinnut taarsiullugu akileraarutinik unerartitsinermik aqqisuussineq aqukkuminarnerujussuusoq siunnersuummik siullermeerinninnermi Naalakkersuisut paasissutissiissutigaat.

Siullermeerinninnermi ilaatigut oqaatigineqarpoq eqqumiitsuliornermik ingerlatsineq tapersersorneqassasoq aammalu akileraartarnikkut isumagisassat eqqumiitsuliortunut pisariaqanngitsumik pisarissersuutaqqunagit akileraartarnikkut malittarisassat sapinngisamik pisariitsuusariaqartut.

Allaffissornikkut aqqissuussineq eqqumiitsuliortut tamarmik immikkut inooqataaffigisinnaasaat nassaariniarneqartariaqartoq tamanit isumaqatigineqartoq ataatsimiititaliamit aamma maluginiarneqarpoq. Tamanna ima paasineqassalluni; eqqumiitsuliortut akissarsiaminnut akileraarutissaminnik nammineq tamarmik immikkut aqutsinnaanissaat ajornartinneqassanngitsoq.

Siunnersuut aappasaaneerneqartinnani Aningaasaqarnermut Akileraartarnermullu Ataatsimiititaliamut innersuunneqartariaqartoq inersuarmi siullermeerinninnermi inerniunneqarpoq. Taamaallunilu suliaq ataatsimiititaliamit maanna suliarineqarpoq. Suliarinninnerup tamatuma ilaatut immikkoortumut allannguutissatut siunnersuummik saqqummiussisoqarnissaa kissaatigineqarpoq. Allannguutissatut siunnersuut ima oqaasertaqarpoq:

**”Kisimiilluni tusarnaartitsisutut, isiginnaartitsisutut, nipilersortartutut, atuakkior-
tutut imaluunniit inuussutissarsiutigalugu eqqumiitsuliortutut ingerlataqarnermi,
ingerlatsineq CVR normu atorlugu ingerlanneqarsimappat, akissarsiat Aningaa-
sarsianit akileraarutit aamma sulisoqarnermut akitsuutip akilersinneqartarneri
pillugit Namminersorlutik Oqartussat nalunaarutaanni atuuttumi § 7, imm. 8
naapertorlugu isertitatut B-tut naatsorsorneqarsinnaanerit pillugu aalajangersak-
kanik aalajangersaanissap sulissutiginnissaanut Naalakkersuisut peqquneqarnissaan-
nik Inatsisartut aalajangiiffigisassaattut siunnersuut.”**

Apeqqu:

Allannguutissatut siunnersuutip Namminersorlutik Oqartussanut, namminersortunut innut-
taasunullu allaffissornikkut aningaasaqarnikkullu kingunerisassai pillugit akissuteqarnissaat
ataatsimiititaliamit kissaatigineqarpoq.

Inussiarnersumik inuulluaqqusillunga



Peter Olsen

Aningaasaqarnermut Akileraartarnermullu Ataatsimiititaliap siulittaasua